

永樂大典

卷〇二七四三 崔字

卷〇二七四四 崔字

卷〇二七四五 陂字

卷〇二七五五 陂字等

永樂大典卷之二千七百四十三

八灰

崔

崔烈

文苑英華崔烈論 漢室中葉戎狄侵軼之患邊郡畧雖以爲兵連禍積歷世不已天下以困用不足權酷租算之外用爲三

間竭產助國出金贖罪雖以爲郎以爲經世之術救弊之務逮至桓靈之世天子要之百萬然後用爲三公崔烈常以賄求備位於公輔問其子外以我爲何如對以銅臭之說垂於前史然近之其疑人主無桓靈之僻自咸通之後上自宰輔以取方鎮下至牧伯縣令皆以賂取故中官以宰相爲時貨宰輔以牧守爲時貨銓注縣令爲時貨宰相若干萬繩刺史若干千繩令若干百繩皆聲言於市井之人更相借貸以成其求持權居任之且若有所求足其欲信又倍於科矣爭圖之者仍以多爲愈彼十萬我以二十萬彼以二十萬我以三十萬自宰邑用賄之法爭相上下復結駟連騎而仕觀其堆積之所然後命官權倖之門明如交易夫三公宰相坐而論道平治四海調燮陰陽爲造化之主方鎮牧伯天子藩屏以固宗廟社稷

之重。刺史縣令。爲生民教化之首。率皆如是。不亡何待。慮其心而聞其謀。即皆販婦之行。一錢之出。希十錢之入。十萬者。望二十萬之獲。三十萬者。圖六十萬之報。盡生民髮與骨髓。尚未足以厭其求。漢之亡也。人主爲之。國家之禍也。權倖爲之。或曰。兆其豐者。崔氏之子。爲子疑作不朽之罪人乎。武帝間之於前。桓靈成之於後。以至今日。鍾疑作踵而行之而已。且烈之世。不聞教子以義方。不能遺子孫以清白。多藏若是。俸祿之所獲乎。不及於昆弟親戚矣。不施隣里鄉黨矣。其賄賂得之乎。今日用之以遠疑。不亦是乎。且桓靈之世。國家既危。喪亂日臻。烈能盡用以榮其身。他日之家課。且疑作且曰。烈爲相矣。不如是。亦群道疑作盜之所奪。乃積之者過。非用之者罪也。被髮而祭於何。左傳作野者。幸有知其必戒。作俑者。其無後乎。仲尼懼其徇葬。盖知防其漸之日也。明明天子。許而行之。何罪之有。崔子素無異聞。貪榮固利者。小人之常也。不施於親戚。自圖於爵位者。亦小人之常也。何足如其罪。有國家者。不以仁義。而務財利之道。許而行之。斯不可矣。不許而自行之。而不能知之。又不可矣。是亦覆國家者。不亦過乎。

崔善正

唐末名賢確論范祖禹論崔善正言錡不法上械送錡錡坑殺之曰宗本惡崔善正直言故使李錡甘心焉善正之

死。非特以告錡也。鉗天下之口。而長姦臣之威。實德宗殺之。是朝廷殺諫者。非錡殺告者也。張唐英論浙西布衣崔善正上封事言李錡反。德宗械善正以賜錡。俾坑殺噫。善正一布衣也。如藁簷則有八珍之甘。處蓬蓽則有藻稅之樂。非食國家之祿。有憂國家之心。蓋以慮肉食者失於廟堂。而黎民抱骸於草莽。故越數千里至京師。上言首言錡之叛。為德宗計者。宜念古人之戒。欲入澤者。問牧童。欲入水者。問漁師。以其知之審也。宜先遣一詔使。巡行江浙。察錡之志。有無叛上之謀。察善正之言。審與不審。然後以善正付法。未為晚也。何至閉聰遏明。械之以賜錡。使忠義之士。死於無辜。以藉天下直臣之口哉。為錡之計者。已既有不臣之迹。致善正諫言。朝廷釋然。不以為信。則宜翻然悔禍。納于歸朝。亦不失一節度使。彼善正者。雖發已之惡。宜寬而恕之。上章於朝。請德宗任用之。以來天下直言之士。則可謂善補過矣。德宗既褊急。而以善正賜之。李騎又不悔過。從而殺之。至憲宗之初。錡果叛。則善正不為狂妄。宜下詔旌賞。爵其子孫可也。而天子與公卿大夫。卒不議及於此。善正可謂生死無有一人知者。可哀也哉。

崔裔

唐末名賢確論范祖禹論謀誅宦官不克因陰結朱全忠請帝幸東都韓全誨結李茂正劫帝鳳翔曰崔裔本與韓全誨爭權

因昭宗懲幽辱之禍。謀盡誅中官。故全誨黨李茂正。其裔結朱全忠。各倚強藩。以爲外援。而岐汴亦憑宦官。宰相內爲城社。以制朝廷。故裔召全忠以兵入朝。而全誨劫帝西幸。唐室之亡。由南北司相吞滅。而人主受其禍。豈不足爲將來之永鑒哉。

崔某

呂和叔集故博陵崔公行狀。唐故銀青光祿大夫。守工部尚書致仕。上柱國。中山郡開國公。食邑二千戶。贈陝州大都督。博陵崔

公。曾祖諱承福。皇朝太中大夫。廣越二府都督。祖諱先意。皇朝朝議大夫。鄧州刺史。父諱燾。皇朝朝議大夫。鄧州長史。贈左散騎常侍。狀斧藻。天理立爲人極。敬終端本。彼所以將就誠明。褒段勸存。此所以砥礪名教。然而以道行已。晦而彌光大。君子之行也。以法考行。直而無黨。賢有司之職也。且曰。獻狀則唯所知。公清臧而和。博厚而敏。岐嶷而夙茂。羈貫而老成。情約性充。靜專動直。出入孝悌。周旋忠信。始以經明上第。調佐夏陽。次以詞麗甲科。超尉王屋。事迫於官。而舉言迫於事。而揚欲藏智。而蒙滯來求。不近名而聲華見逼。故相左僕射張公。時尹洛京。首得才實。洎鎮荆蜀。致於幕庭。再兼理官。專領記室。捷筆良書。三邦有聞。旋邁內艱。毀瘠僅立。善居得禮。族黨稱之。免喪之歲。天子南狩。太尉西平王大會兵車。將圖匡復。公首膺辟任。濟發義心。琴未

成聲。僅及於路。感激而將星芒怒。謀謨而兵侵廓清。翠華既還。優典斯及。拜殿中侍御史。時有寵臣爲京兆者。政以暴聞。吏有冤弊。公表陳狂直。伏閤待旦。言忠主悟。事寢風生。以繩違稱職。轉侍御史。以求瘼。慎選爲華原令。大兵之後。旱歲爲虐。公勞徠不倦。弛張以宜。復添庸於潤屋。闢曠土爲多稼。俄改歙州刺史。地雜歐駱。號爲難理。下車而簡其約束。暮月而明其信誓。然後破散溪聚。剪鋤山豪。既去害群之奸。遂寧跼險之俗。徵拜長安縣令。威聲先路。不肅而理。鉞刃餘地。所授皆虛。擢同州刺史。圖歎於豐量。賑爲穡。號里倉者三百所。而凶年備矣。戒以暴骸。諭之速朽。成薄塋者九百家。而奢俗懲矣。郡人有豪奪鄉俾。陰持吏夫。朋構紛獄。累政所患。公斷以尋斧。破其囊橐。人樂其然。而法制行焉。郡城自禦寇之餘。復隍殆盡。朝貢所經。夷夏何仰。公悅使。黷負大興版築。下不知役。而高固立焉。其餘則去思有碑。祥在家。迷可覆視也。朝議涉明。遷于陝服。封介晉楚。寄分函詔。而戎備不脩。兵庫虛閑。公乃鳩工以利器。閱實以練卒。金革中度。義勇知方。既有淮西之役。晨令暮具。凜然而可觀矣。河出城下。造舟爲梁。經始匪工。敗決相繼。公乃沉石而雙固中流。省艦而三分巨派。水與意會。勢若天成。既有奔濟之瀾。智勝功顯。終然而無害矣。其餘則三降璽書。就加

爵秩是明徵也。移疾入覲。貳職冬官。歸載不過圖書。留府益乎粟帛。豐公納私。於是乎存。既至。陳乞以尚書致政。室不交要路之賓。口不言當代之事。就陰委順。談者多之。公自解巾。至于撤樂。思不踰矩。動不越思。以忠貞爲仕模。以勤儉爲家訓。身居侯邸。清節如初。男降王姬。素風逾厲。羈孤聚室。人各忘其亡。布褐分庭。士不知其貴。體溫柔而事至能斷。性坦易而物莫能寵。當官不務於名聲。所去必遺其功利。昨謠尚在。時論可徵。已邇書墓之期。請舉易名之典。謹狀。元和三年四月日。故銀青光祿大夫。守工部尚書致仕。贈陝州大都督。博陵崔公。從外生。朝議郎。行尚書司封員外郎。上騎都尉。賜緋魚袋。呂某。謹上。尚書考功。未立身之道。始於君親。中於人。終於身。若府君者。居喪有聞。臨難有功。善其始也。勤于官業。惠于鰥寡。敬其中也。家事以理。年至而退。謹其終也。率是三懿。光于前訓。以咨謚法。無愧至公。謹狀。

崔獻

文苑英華楊炯撰左武衛將軍成安子崔獻行狀。祖弘壽。隋獲嘉縣開國侯。父萬善。皇朝左監門將軍。待節隆州諸軍事。守

隆州刺史。按唐世系表。弘壽左監門將軍。獲嘉男萬善。開州刺史。上護軍成安縣開國男。謚曰信。郡縣鄉里崔獻。獻字表。作文苑年六十七。夫推其

天命南端上將之文考其地靈北極崆峒之武厥次有東方曼倩卓集作
平達於孫吳瑯琊有諸葛孔明深期於管樂貞觀九年起家太穆皇后稅
郎十六年授營州都督府參軍事燕齊遼遠所以分置營州天子命我以
參卿軍事太宗文武聖皇帝把金鉞動璇璣發四方集作西土之人爰整
其旅問東夷之罪恭行天罰公自家刑國資父事君樂王繫之神武葉班
超之筆硯一鼓作氣方輕肉食之謀七旬舞干始受昌言之拜二十三年
遷徐王府西閣祭酒梁王武者漢皇之少子廣東苑屬平臺則司馬相如
所以騁其詞賦陳思王植者魏國之天人遊西園擁飛蓋則邯鄲子叔所
以爲其賓友永徽六年授晉州司士龍朔三年遷岐州司戶剪桐垂棘珪
璧相輝紫鳳寶雞休祥狎至從乾值異之風土被山帶河之國邑邦君坐
嘯方推太守之名鄰國從遊始屈陪臣之禮尋丁外憂三年泣血一慟能
使禽獸莫觸其松栢神仙每留其玉石春秋忽變有君子之終身金革不
辭達賢人之俯就麟德元年有詔起公爲左威衛脩仁府左果毅都尉仍
命右羽林軍長上乘與歷日月步山川詳益地之圖書聽千雲之律呂長
城十角盡入提封高闕三襲並爲州縣於是九姓抗表請築安北府城詔
公馳驛許以便宜從事則榮奉中旨計日期運親降鑒與待於故都樓上

雖復東西萬里，張博望之尋河，裝橐千金，陸大夫之使越，猶未聞降星蹕，迴帝車，擬於陶侃扣天門之八襲，方於魯陽留白日於三舍，若夫類上帝，徧群神，則孔宣父之所刊者，五年一符，登泰山，禪梁甫，則管夷吾之所識者，十有二君，秦皇致風雨之速，魏后積貂羊之耻，夫名山之所望，非我后而誰哉？是以馭蒼龍，搖玉杵，作旱鳳，陰陽不測，發揮於作樂之文，天地無私，揖讓於升中之禮，公陪祠汶上，扈蹕梁陰，列藩衛於環星，受嘉名於捧日，與夫茂陵之下，獨留符命之書，河洛之間，不覩漢家之事，豈同年而語也？朝鮮舊壤，歌集作歌箕子之風，謠斗骨危，城屬河孫之背，誕地惟孤竹，不聞謙讓之名，親則同株，曹無急難之意，特進金唐唐書作唐男生，以蕭牆構孽，蔓草方滋，欲去危而就安，思轉禍而為福，請歸有道所向，集作使者望夫天皇，慙一物之推溝，詔公於國城內迎接，先之以造化之大，示之以雷霆之威，受其璧，焚其觀，使徵侍子，來朝京闕，亦猶酈生憑軾，入齊國而下其城，賈誼上書，伏匈奴而答其背，乾元元年，詔遣游騎將軍左威衛義陽府折衝都尉仍加上柱國右羽林軍長上如故，是歲也，太子太師英國公登壇，以集作而拜，鑿門而出，紫泥明詔，不入於三軍之中，黃石奇兵，自行於九天之外，山林為室，不能有藩籬之險，魚鼈成橋，不能有逃亡之路，詔

公出使預參帷幄進奇策納嘉謀攘無臂而執無兵戰必勝而攻必取斬
大風之翼霧卷青丘卧長鯨之鱗煙銷碧海二年以平夷功詔除定遠將
軍右武衛中郎將檢校左羽林軍總章二年詔遷宣威將軍守左武衛將
軍檢校右羽林軍集無此句襲封成安男咸亨二年進爵爲子尋奉別勅檢
校右羽林軍餘如故太夫人以桑榆晚節霧露沉疴減年歲之扶危受皇
天之集作星辰而賜藥屢陳表疏方請告歸頻降絲綸未蒙優許則知忠
臣奉上多從孝子之門受命臨戎始見忘家之事滿安仁之里第始奉輕
軒張景胤之純深終悲畫扇儀鳳三年以內憂解職尋降詔起復本官四
年加雲麾將軍正除左武衛將軍檢校右羽林軍如故王人奪服纔聞趙
意之喪明主相憂獨訝何曾之戮且割哀而從禮將以義而斷恩受軍麾
命服之數掌期門飲飛之職以漢宮清署忽照邊烽秦塞長城遂聞胡馬
匈奴未滅霍去病是集作所以辭家天子動容周亞夫於馬不拜調露元
年詔公龍門鎮守兼於夏州防捍飲冰受命倍道兼行鞍甲成勞晦明爲
疾璽書降下集作門即日追還中使接跡於家庭尚集作上藥綢繆於錫
賚人生詎幾神道何知仰觀於天值三軍之星落俯察於地逢五將之山
崩詔書來北斗之門圖象在南宮之壁以三年秋七月薨於紫桂宮右羽

林軍之官第詔賜御食并錦被一張常服一襲雜采百五十段贈物一百段粟一百石初書帛贈禮越常班喪墓集作川所資數優恒典琳瑯觸目日月在懷陶謙則戲引幡旗賈逵則常陳部伍閭門有德歡若友朋事君無隱心如鐵石至如出車投鉞東征西討孤虛向背則雖女子之衆可以當於丈夫前後折旋則雖婦人之兵可以陷於湯火免起而鳬舉龍騰而鳳飛無戰不平無城不尅有如馮異蓋言大樹之功宛集作或似魯連不受黃金之賞太平之事業行矣人主之恩榮備矣山河之寵久預同盟社稷之臣俄悲輟祭聖君興悼列辟相趨覲高鳥而歎良弓聞鼓輦而思將帥宏圖祕畧實無得而稱焉追遠飾終請有易其名者謹狀永隆二年正月十一日攷左武衛將軍成安子府功曹某上尚書省考功名也者功之表也謚也者行之跡也公叔文子曹辱四隣之交黜婁先生有餘天下之貴謹按故府主左武衛將軍上柱國成安子崔獻誕靈辰昴降德山河漢陽間忠許有良平之策穎川徐庶知其管樂之才生觀太平仕逢明主秋風金鼓有司馬之論兵吉日壇場有將軍之拜職任重而道遠功成而身退奄息百夫之特彼蒼者天相如千載之人猶有氣象集作生氣是珠襦玉匣禮備於逸終筮短龜長事集作日從於先見集作遠易名之道蓋取

之於舊儀，累德之文，敢一
作必希之於執事，謹狀。

崔某

唐柳宗元集爲章京兆。祭太常崔少卿文。維年月甲子，京兆
尹常夏卿謹以清酌庶羞之奠，敬祭于亡友。故太常少卿崔公

之靈。惟靈率是良志，蹈其吉德，炳蔚文彩，周流學殖。水職切。左氏未學殖也。注：殖猶生長也。孔氏之訓，專其傳釋。黃老之言，探乎幽蹟。士革切。六書

奧祕，是究是索。六書。一曰象形。二曰指事。三曰會意。四曰假借。五曰形聲。

六曰轉注。並字學叩爾玄關，保其真宅。藝成行備，披雲騁跡。康莊未窮，爾
雅道五達，謂之康。六達謂之莊。濛汜已極。潘云：汜音似。楚辭注：汜，水涯也。

吉日出東方，賜谷之中。暮入西極，濛水之涯。嗚呼哀哉！夙歲同道，從容洛
師。書洛誥，朝至于洛師。唐東都接袂交襟，以邀以嬉。策駕嵩少，嵩，夫弓切。

少，夫照切。嵩，高少室二山名，在河南府。沂舟滙伊，沂音素。滙伊二水，笑咏周

星。左傳：二星終矣，謂十二子。其樂熙熙，丹霄可望，青雲可期。洛中十友，談

者榮之。惟鄭洎齊，各登鼎司。軒除慶壽，或喪或存。山川是還，繫我夫子。

繫，烏芳切。烏帝二切。宜相清時，命之不遐，孰不悽悲。嗚呼哀哉！往佐居守，及

爾同寮，笑遨交歡。匪夕則朝，入同其室。出聯其鑣。早騎切。馬銜也。投文報

章既歌且謠。及我爲郎。優游吏部。公爲御史。持憲天路。文陛徐趨。眷戀相顧。歡愛之分。有加于素。自我于邁。歷剌東吳。離憂十年。復會名都。余爲侍郎。銓總攸居。實得茂彥。奉其規模。聯事合情。又倍其初。我尹京兆。公亞奉常。步武相望。佩玉以鐙。謂保愉樂。長此翔翔。抱疾幾何。忽焉其亡。嗚呼痛哉。原念往昔。愛均骨肉。我有書筭。盈君尺牘。寤言在耳。今古何速。夫涕興哀。匍匐往哭。撫筵一呼。心焉摧剝。昔木切日月逾邁。佳城遽上。素車千里。逶迤山谷。達於危切。迺余之切。晦爾精靈。藏之斧屋。禮記檀弓。孔子曰。若復夏屋者矣。見若斧者矣。馬鬣封之謂也。嗚呼哀哉。丹旌即路。祖奠在廷。去此昭昭。就爾冥冥。敬陳洞酌。以告明靈。詩大雅。洞酌彼行潦。注水之薄者。達酌取之。臨觴永懷。庶寫哀誠。嗚呼哀哉。伏惟尚饗。

崔景旌

文苑英華李華撰太子少師崔公墓誌銘。聖唐祖宗重光。丕變萬國。玄宗肅宗。今上。三后繼明。格于上下。其輔弼

之臣曰。趙公奉先少師之訓。有大功於王室。少師諱景旌。字某。清河東武城人也。惟成於姜水。公曰。有呂德莫厚乎粒蒸。今大庭之烈也。勲莫盛乎除暴虎。尚父之明也。讓莫大乎推社稷。季子之高也。丁公之元子曰季克讓。乞歸老於崔氏。宜乎其盛也。八代祖元孫。宋度支郎中。以忠順烈。見危

致命。夫人携二子。亮敬默依夫人之黨。挺志羈孤之中。安親危窘之際。亮即公七代祖也。八爲尚書。一爲僕射。孫肇官至中侍郎。元子北齊安州總管府掾。諱道淹。公之曾孫也。生萬年。主簿臨沼。令諱方騫。公之大父也。生武功主簿。贈吏部尚書。諱真。固公之考也。郎中殉王事。僕射利生。今中書之名望。安州之道德。臨沼之愛人。武功之體道。荀淑以盛德。及子陳寔。以素風。及孫誠哉。吾聞語矣。今見其人也。公孫抱太夫人。終童幼。武功府君逝。根於至性。默過乎哀。鄉黨憐之。皆曰純孝。既除喪。外從禮訓。內積憂慕。啜菽飲水。勵志讀書。誦無遺文。釋無適義。皆一覽也。年十七。與親兄皎。同舉明經。調補梁州南鄭尉。轉蜀州晉原尉。前後使臣。表公第一。遷大理評事。親累貶利州段萌丞。歷梓州鹽亭丞。樂天知命。貞獨自晦。君子哉。改晉州司法參軍。政尤一道。刺史按察。皆以上聞。充河東支使。軍畢。尚書攝爲連帥也。假公判官。仁者悅。不仁者懼。遺屬終於官舍。春秋四十。權厝於邱山玄元廟西北原。識與不識。罔不相弔。時人之安放。後人之不棄。榮陽夫人鄭氏。皇兵部郎中衛州長史玄昇之女。吏部侍郎平章事愔之妹。終於京兆崇賢里。權殯於長安東南杜陵原。夫人韜佩紛綵。謹記內則。婦事舅姑。佩紛綵金縷。以寧顏色。澄幕酒以奉蒸嘗。輔佐君子。黔婁之室也。撫導

賢胤孟軻之母也。內訓傾謝婦儀無匹。嗚呼哀哉。大曆四年。龜筮從吉。嗣子圓尚書右僕射趙國公。哀奉先少師夫人之蒙。惟令祔於河南北。卽山某原禮也。趙公初爲益州刺史。屬逆羯內。向天下兵起。至尊出長安避狄。未有岐下之都。因奉表上迎。保寧聖德。還爲中書令。冀大明復天下。肅宗申養玄宗申慈。趙公之宣力也。事今上鎮楊州。爲吏部尚書左僕射。崔氏之門。公盡善哉。洪河在北。清洛在南。二室之下。卽原高起。是地也是。宜君子幽宅。享於斯。永保子孫昌於斯。其文曰。翼翼孝嗣。銜哀不言。祗感永思。常試討論。齊爲霸國。鄭甸。姬姜協德。貽慶後昆。在昔貞烈。有魏嶽。

播遷建都。公將南轅。造舟人便。聞漕利源。宜有令胤。中書玉振。安州營道。臨治體順。尚書葆光。公以德鎮。既輸典刑。亦清維晉。天不我遺。時將時師。夫人之德。柔善有則。鼓鍾于宮。聞于四國。從夫訓子。天下是式。不及勛勞。趙公周極。克誕趙公。蓼莪孝思。奉若先訓。其貴如斯。今日之祿。先人之慈。保寧幽宅。天地無期。此是宰相在國之父。贈太子少師。元誤入宰相門。今移於此。

崔志堯

騎省徐鉉集故唐朝散大夫尚書水部郎中崔君墓誌銘。公諱致堯。字用之。其先清河人也。周室大風。肇洪源於

公望漢庭明月。抗忠節於李璣。德厚流光。謀孫翼子。冠蓋之盛。莫之與京。我高祖翼亮有唐。四至丞相。曾祖彝不仕。祖濤。吏部員外郎。考億。建州建陽令。值天下亂。因而家焉。令爲建安人也。君少而不羈。長而好學。介然如石。非禮不行。鄉曲之名。藉甚於世。季唐嗣業。博采時才。君以卿族之秀。獻書求誠。補江州彭澤。滁州清流二主簿。改建州浦城軍判官。所至有聲。應用不暇。再爲建州將樂令。其地巖險。其民獷悍。寇攘亡匿。率以爲常。君厲以嚴明。信其刑賞。汙俗咸革。比戶安居。遂獲真幹之稱。又遷紀綱之佐。改常州錄事參軍。連考善最。擢拜殿中丞。遷虞部員外郎。郡國之政。多使案治。忘身徇節。綽有能名。無何。都下受兵。群師入援。以君爲水部郎中。實掌軍饋。既而時運告謝。宗社淪胥。諸侯之師。莫不卷甲。君與其部將。南趣建安。中塗衆潰。遂沒於難。春秋若干。嗚呼。興亡之數。聖賢安能免。忠義之節。顛沛必於是。不然。何以見伯夷首陽之風。王蠋布衣之操也。夫人吳氏。克有婦德。能緝素風。貌是冰離。不墜門閭。子憲寔定等。皆稟庭訓。咸脩詞業。憲在舊國。以進士擢第八。朝爲潁州沈丘尉。復從州里之舉。皇上臨軒親試。又擢高科。爲隨州觀察推官。所謂善人必有餘慶。某年月日。憲等始備大塋之禮。號奉靈輿。空于某州縣鄉里之原。禮也。銘素熟君行學。因銘墓。

馬銘曰。嗚呼崔君。百世清芬。忘身徇國。斯爲真臣。種德垂訓。斯爲慶門。茫茫故園。栽栽高墳。沒而不朽。用勒斯文。

崔某

唐李華集淮南節度使尚書左僕射崔公頌德碑銘。昔在召公相武王。除害去虐。數命帝廷。周公佐成王。卜洛定宅。登頌清

廟。奉康王會朝豐宮。克致太平。惟崔公亦相玄宗。保寧聖德。鎮安天下。輔肅宗。掃除凶穢。紹享天命。今上振宣明威。撫綏淮海。惟申伯。翊宣王。登南邦。興周室。小白率諸侯征楚。崔奉王職。與崔公叶德。同勲。皆姜姓也。未議盛德。論大功。贊大賢。舉其殊倫。卓然昭明。不已書其細。申大體也。故詩陳方叔之烈曰。方叔元老。克壯其猷。又美韓侯之封曰。有倬其道。韓侯受命。今述崔公亦不名。不備官。古之制也。後魏尚書亮。八代至公。海內首族。人倫德範。公少負文學。重名且兼宏。揚于王庭。甲科入仕。歷京兆倉曹參軍。再遷司勳。員外。丁太夫人憂。以毀聞終喪。拜刑部員外。兼侍御史。知劍南節度留後使。逆臣起幽陵。陷潼關。至尊哀兆人。思古公避狄之義。於是帝車西南。依我心膂。拜中書侍郎平章事。劍南節度採訪使。玄宗克讓聖子。家爲唐虞。公出納王命。至于朔方。擢諧二聖。孝慈光明。自西自東。殄殲元惡。天討之師。爰如山行。冠若霜葉。鼓燎無存。帝曰。爾圖實叶朕志。官